



Universitätsbibliothek Paderborn

**ANATOMIAE LVTHERI || PARS PRIMA.|| Das ist/|| Auß den
Siben boesen Geistern des vil See=||len verlustigen vnd
also tewren Manns D.|| Martini Lutheri, die Drey erste
Geister.|| I. Der Fleischlich ...**

Das ist/|| Auß den Siben bösen Geistern des vil See-||len verlustigen vnd
also tewren Manns D.|| Martini Lutheri, die Drey erste Geister.|| I. Der
Fleischlich geist.|| II. Der Lester geist.|| III. Der Lotter geist.|| ...

Pistorius, Johann

1595

VD16 L 3592

Schluß vnd Vrtheil vber den Andern vnd nemblich Lestergeist Lutheri/ auß
dem Luther selbst genommen.

urn:nbn:de:hbz:466:1-35656

Schluß vnd Brtheil vber den Andern vnd
nemblich Lestergeist Lutheri auß dem Luther
selbst genommen.

Tom. 1. Germ. fol. 360. vnd 361. schreibe Luther im buch
an Doct zu Leipzig Anno 21.

Sie solt du ellender Mensch/ jemand glauben/ daß
du bey solchem vnmenschlichem/ vnruhigem Haß
kündest die reine/ gütige Schrift verstehe/ zc. Ich
weiß wol/ Daß mit einem vnuerschampten Lestere
vñ Lügner nicht gut ist zu handelen/ nach dem Sprichwort/
Hoc scio pro certo, quod si cum stercore certo, Vinco
vel vincor, semper ego maculor. Noch muß ich der War
heit zu lieb/ deines vnmeßigen/ vnendlichen schmechen vnd le
stern gewarten/ kündest du etwas anders/ so schriebs du es vil
leicht/ Darumb muß ich gedult tragen/ vnd her schlacken vnd
schneien lassen/ was dich dein vnruhiger Haß lehren wirdt. zc.

Wo bleibet Lu
ther?
Deshalb hat
niemand gern
mit dem Luther
sich in zank ein
gelassen.
Eben also hab
Fürsten vñ Ge
lerthen gegē dem
Luther thun
müssen.

Tom. 2. In der antwort auff des Königs von Engelland
buch. Anno 22. fol. 145.

Der König schilt so bitter giftig/ vnd ohr vnderlaß/ als
kein öffentliche zornige Hurscheltes mag. Daß man wol si
het/ Wie kein Königlich ader an Ihm ist. Könige pflegen
nicht so bübisch zu liegen/ noch so Weibisch zu toben. zc.

Also ist am Lu
ther kein geistli
che Ader.

Tom. 5. fol. 337. Anno 31. In der 1. Predig von den
lieben Engeln.

Summa/ wilt du den Teuffel recht abgemahlet sehen/
So fasse dir für/ einen bösen giftigen Menschen/ Der einen
bösen Sinn vnd Willen hat/ vnd dazu tückisch ist/ gern die
Leute beschediget vnd plagt/ Wenn du dir ein solchs Herk
kannst fassen/ wie es geschickt ist/ So sihestu ein stuck vom Teuf
fel. zc. Dagegen hat der Teuffel auch einen namen/ vñ heisset/
Diabolus/ das ist so vil/ als ein Lestere/ Criminator/ Ca
lumnia

Des Luthers
warhafftige Con
trafedi.

lumniator/ Denn das ist sein natürlich Ampt/ Das er alle ding verderbet vnd zum ergesten verkeret. Er heisse auch mel Angelus/ Aber er ist ein böse bottschaft. Calumniator heisse aber eigentlich/ Der ein gute Sache zu schanden machet/ Wie denn der Teuffel meisterlich kan/ &c.

Tom. 6. fol. 112. Anno 33. Vff die Antwort Balthasar Raida &c.

Bey den Teuffchen ist ein Sprichwort/ das heisse Ein offenbarliche Lügen ist keiner Antwort werth/ Weil denn das vnuerschampt Maul vnd Herz des Wisels/ wider sein eigen Gewissen/ so gar offenbarlich in seinem Lesterbüchlin leug/ Das auch seine Papiſten selbs wol greiffen müssen/ wenn sie gleich blind weren/ Habe ich den leichtfertigen Buben nicht werth geacht/ auff seine Lügen zu antworten/ &c.

Dies ist ein kurze vollkommen Antwort vff alle Bücher des Luthers.

Tom. 7. fol. 407. 5. 68. vnd 426. b. Im buch wider Hans Wurst. Anno 41.

Denn auff alle solche Lestervort/ weil es arme nackte/ bloße Lestervort sind/ ohn grund vnd vrsachen daher geschreyet/ Auch nicht ein/ einiger Artikel vermeldet/ So leste man sich heissch oder zu tod schreien/ Vnd antwortet dieweil man einem geringen/ leichten wörtlich/ Teuffel du leugst. N. leugstu/ O N. welcher ein vnuerschempier Lügner bistu/ Er ist vil vnd nennest nichts/ Lestest vnd beweifest nichts. Die Kunst kan auch ein Angst Ershure auff der gassen/ Wie die ne ehrliche Jungfraw/ balget/ secket/ huret/ vnd bubet/ Die sie doch aller ding keinen grund noch vrsache/ Sondern nur das widerspiel weiß/ Sich selbs feindselig/ vnd die Jungfraw den Leute lieb vñ werth macht/ Vad einer solchen Angst huren solts nicht sawr werden/ ein solch Buch zu reden/ Wie N. alhie geschriben hat. &c. Wie ein Vogel dahin feret/ vñ ein Schwalbe dauon fleuget/ Also trifft ein vnuerdienter Fluch nicht. Hie lehret Salomon/ Das wir die Lestervort

Also hat Luther nichts mehr thut/ als was ein Angst Ershure kan/ vñ heit Ihn billich niemand antworten sollen.

oder fläche/ So vnerdiente vñ ohn grund oder vrsache vns
widerfaren/ sollen nichts achten/ Denn sie faren für vber vnd
treffen nichts. 2c. Welcher Christ/ Ja welche Vernunfft ver-
nimpt nicht/ Was für ein Herz da sey/ auß dem solche wort
kommen? Ihs nicht wahr/ das ich droben gesagt hab/ Er hab
sich vol Teuffel gefressen vnd gesoffen/ Vnd speiet also ein
Teuffel auß seinem hellischen Rachen?

Stärcker Be-
weiß auß dem
Luther / daß
sein Herz vol
ser Teuffel ge-
wesen.

Tom. 8 fol. 256. & 257. Anno 45. In der Vorred vff
Dialogum Frederi.

Das ist des Teuffels eigen art vnd Ampt/ Daß er seinen
Rüssel in der armen Menschen Sünden suddelt/ wület vnd
rüttelt/ Als wolter den Dreck gern so groß machen vnd breit
machen/ daß der Himmel vol stants/ vnd Gott mit allen En-
geln heraus gestenckert wärde. Ja eben ein solche Hummel ist
dieser N. Wie du in diesem Büchlin sehen wirst / Denn da
kriecht er allen frommen in den Hundsn/ vnd treibet zusammen
mit seinem schendlichen Rüssel/ alles was des Teuffel jemals
böses geredt/ oder durch sie gethan hat/ Da lähelt er sich mit/
lachtet/ vnd thut ihm so herrlich sanfft/ Daß er nichts guts/
Sondern alles vbel von ihnen reden mag/ Hat seine Lust an
solchem feinen Balsam vnd Thesem/ Helts dazu vns auch
für die Nasen vnd Maul/ Als solten wir ihm danken vnd lo-
ben/ Daß er vns einen solchen stant vnd Teuffels Dreck für
die Nasen bracht hat/ Oder wie ein grosse Arzhuittel vns sol-
chen grossen Vnstat in das Angesicht durch seine Bücher ge-
kleck hat/ Des wir frölich sein müßten. 2c.

Das hat Lu-
ther artlich ge-
wust.

By du Gott-
loser Bub.

Ein solche Hü-
mel ist Luther
gegen den Sär-
ten.

Nicht anderst
prangt Luther
mit seinem ge-
stant.

Nun ist N. solch ein böß Lestermaul/ Das nichts kan/
denn leßern vnd schenden/ vnd vber alle maß gern/ das erst
von jedermann schreibet vnd redet/ Als wer er des Teuffels
eigen vnd liebste Maul/ Daß ich halte/ Es sey sein leben ge-
west/ von andern Leuten vbel zu dencken vnd zu reden/ Davon
er sich mehr genehret hat/ denn von essen vnd trincken/ Da ist
niemand der recht lehret oder lebet/ Er sey oder heiff wie vnd

Descriptio Lu-
theri.

Kein Males
hat Luthern
besser abmahle
können / als er
sich alhie selb-
sten abmahlet.

wer er wölle/ Vnd ob ihm etwas guts begegnet/ So leffet er doch für vber gehn/ oder verkertis schendlich/ Sucht vnd gebelt jñner nach dem bösen/ dauon er sagen müge/ Das es wol scheinet/ wie es ihm in seinem Herzen leyd ist/ wo er etwas guts findet/ das er nicht tadeln kan/ Vnd alle seines Hertzen k.ß ist/ wo er böses finden kan/ das er rütteln möge zum stand. Büßet also seine lust in der armen Menschen vnglück/ Irthumb/ vñ Sünden/ Wie ein vnsetzige Saw mit ihrem Rüssel im Dreck vnd stanck thut. 22. Aber die Hamisten vnd Phariseyen fragen nichts darnach/ Wie andern Leuten zu rathen oder zu helfen sey/ Haben daran gnug/ daß sie in ander Leut Dreck vnd Sünden sich wol weiden/ suddeln/ vñ vnnütz machen können/ Wollen damit vor der Welt geliebt vnd gerühmet sein/ Es gemanet mich sñr eben/ wie der sich lichen Fliegen/ Die vns zu weilen in der natürlichen Noth/ vñ dem heimlichen Gemach/ wollen in den Hindern kriechen/ Vnd in derselben Rosen vnd feinen Blumen sich waden/ vñ ihr Honig saugen/ Vnd darnach herfür fliegen/ vñ sie den rüssel vnd füße/ daselbst wol besuddelt haben/ vñ sie vns im Angesicht auff der Nasen/ auff den augen/ vñ an dem maul/ an dem aller ehrlichsten ort sitzen/ Als kernen sie auf nem wolriechenden Lustgarten/ oder einer Apotecken. 22.

Wie Luther
gehan.

Auß welchem allem der Christlich Leser auß Luthers selbst guttem Vertheil abzunemen hat/ Wofür er zu erachten/ vñ was vñ zu geben sey/ Nemlich/ Daß Ihm wegen seines hellischen vñ gen Rachsens niemand/ daß er die reine gütige Schrift vñ steh/ glauben/ Auch mit Luthern einem vnuersehmben/ vñ fertigen Buben vñ Lesterey/ als mit einem Roth der man besuddelt vñ verunreinigt/ niemand sich beladen/ Vñ dern ihn Luthern als ein Ganspfeiffer/ mit seinem Luthern zu seinem Luthern/ (Wie er vom König auß Engelland vñ eben sine form schreib/) dahin sie gehören/ meniglich faren laß/ Vnd endlich glaube soll/ Hett er etwas anders künde/ so he

Verba Lutheri.

er anderst geschriben/ Sey auch seines bitteren Weibischen to-
bens halb böser/ dann ein öffentliche zornige Erhangsthur/
vnd könn kein ehrlich Ader in ihm haben/ Sondern muß des
Teuffels als eines Schenders vnd Lestereis Werkzeug/ vnd
ein Stück vom Teuffel/ vnd des Teuffels eigen vnd lieb-
Maul sein/ Das sich mit Leut schenden vnd schelten mehr ge-
neht/ dann mit essen vnd trincken/ vnd dauon gelebt hat/ Ja
Ihm leyd im Hernen gewesen sey/ Wo er etwas guits gefun-
den/ das er nicht taddeln/ vnd mit seinem vnstetigen Sawrüf-
sel zum stand rütteln/ oder wie ein vnstetige Arshummel auß
grosser Herrn vnd anderer Menschen Hindern etwas sau-
gen/ vñ in der Welt angesehen durch sein Bücher mit abschew-
lichen Lügen sehen können/ Wil dazu damit prangen/ als mit
seines Euangelij Balsam vnd Thesen/ vnd sein armen Jün-
gern für die Nasen vnd Maul halten/ Als solten sie Ihm dan-
cken vnd loben/ daß er ihnen ein solchen Teuffels stand vnd
Dreck für die Nasen bracht/ vnd sein Euangelium damit als
mit lauter Geist vnd Heiligkeit bewisen/ Das machet/ Er ist
Beelzebubs vñ Teuffels art/ der gern in der armen Menschen
Sünd suddelt/ vnd den Dreck so groß vnd breit zu machen be-
gert/ daß der Himmel vol standts/ vnd Gott mit allen Engeln
heraus gestendet werden/ Darff doch keiner Antwort/ dann
Luther du leugst wie ein besessener Mensch/ vnd wann du noch
mehr plerrest/ zerrest/ vnd speiest/ sampt allen Teuffeln in der
Hellen/ So richtest du doch nichts auß/ dann daß du dich zum
verlognen Bößwicht/ Teuffelsmaul/ Löspel/ Knobel vnd
Külk machst/ vnd damit ein gewiß anzeig gibest/ daß die Ca-
tholisch Papistisch Kirch die rechte selige Kirch sey/ Die sich
sampt ihren Glidern von dir vnstetigen Lestereis mit deines
hellschen Fedder vnd Tintensaf muß schenden lassen/ Du
aber nichts mehr könnenst/ dann was ein Angsterkhur auff
der gassen gegen einer ehrlichen Jungfrawen kan.

Welches alles des Luthers eigne wort sein/ damit er ander/ so
Ihm

Ein feine Lu-
therische art zu
reden.

Der Ander böß Geiß M. Luthers.

Ihn/oder etwas das Ihm lieb ist/ gescholten haben/ nach seiner
 lichen Sewart begabt/ Vnd auch billich leiden soll/ daß sie in glatter
 Sach wider Ihn gebraucht/ vnd Lucher darauf/ was von Ihm
 seinem Lestergeiß zu halten sey/ wider sich selbst auß Ihm selbst
 theilt werd/ Das Ich doch sunst anderst dann mit seinen selbst
 en nicht wolt von Ihm außgeschriben/ oder mit solcher Scheltung
 gegen Ihm verfahren haben.

Der Lucherisch Leser/der sunst ander Narrheit im Lucher glaubt
 wöll auch dise Luthers Wort vnd Vrtheit in keinen zweifel
 Vnd wo nicht auß andern/ doch allein auß diesem erkennen/ daß er
 kein Prophet Gottes/ Sondern des Lestergeißs vnd Worts
 Jünger vnd geschöpff gewesen/ Bey dem nichts Götliche
 alle Vnreinigkeit vnd Frucht des fleischs nach art des bösen
 suchen sein. Wer Augen hat/ der lese/ Wer Ohren hat/ der höre/ Vnd
 da ist kein Entschuldigung mehr vor Gott/ wann dise greiffliche
 chen nicht helffen wölln. Gott bekere jedermann/ vnd laß
 arme verfürte Leut (wo nicht mehr) doch allein ihren
 natürlichen Verstand vnd Vernunft
 ohn finsternuß brauchen/
 A M E N.

End des Andern bösen Geißs Lutheri/
 Nemlich des Holhipperischen
 Lestergeißs.

Saluo Iure addendi.